

Sukol UPM: K6 juara tiga tahun berturut

SERDANG – Kolej Keenam (K6) menjuarai pertandingan bola sepak Sukan Kolej (Sukol) Universiti Putra Malaysia (UPM) 2017/2018, sekali gus mengekalkan kejuaraan tiga tahun berturut-turut bermula 2015.

Kejayaan manis itu hasil kemenangan penuh dramatik 2 - 1 ke atas Kolej Tun Dr Ismail (KTDI) pada perlawanan akhir yang berlangsung di Stadium UPM, baru-baru ini.

Pencapaian luar biasa itu berjaya mengangkat nama K6 sebagai antara pengeluar bakat pelapis sukan di universiti tersebut.

Pada perlawanan men-debarkan itu, K6 berjaya mendahului 2-0 pada separuh masa pertama, walaupun KTDI lebih banyak menyerang.

Usaha KTDI berhasil apabila merapatkan kedudukan menerusi hasil sepakan pe-

nalti dan terus mengasak bertali arus untuk mencari gol penyamaan sebelum kedudukan kekal 2-1 sehingga tamat perlawanan.

Penyerang berbisa K6, Nik Fariezal Erman Nik Abd Hadi berkata, kejayaan itu membuktikan hasil kerja keras pasukannya berbaloi.

Sementara itu, Sukol UPM yang bermula pada semester pertama memperandingkan secara dua fasa membabitkan 36 acara antaranya ragbi, bola sepak, bola jaring, tenpin boling dan olahraga.

Ia bertujuan tonjol bakat pelajar dalam bidang sukan yang turut akan berpeluang dipilih mewakili UPM dalam kejohanan sukan anjuran Kementerian Pendidikan Tinggi (KPT).



Para pemain K6 menerima hadiah masing-masing.



K6 beraksi cemerlang tiga tahun berturut-turut sekali gus mengekalkan kejuaraan Sukol UPM.